

«Тексерілді»

«Балбөбек» жекеменшік

шағын орталығының

әдіскері  Г.К.Сагпазова

Мерекелік ертеңгілік

Тақырыбы: «9 –мамыр-Жеңіс күні!

Өткізген: №3 ересек тобының тәрбиешісі Әбішаева.Ү

2022-2023 оқу жылы

««9-мамыр – Жеңіс күні!»»

Максаты: Балаларды адамгершілікке, отанын сүйуге, оны қорғауға баулу. Отанға деген сүйіспеншілігін арттыру. Оларға патриоттық тәрбие беру. Балаларды Ұлы Отан соғысымен, Қазақстандықтардың ерлік істерімен, таныстырып, ой өрісін дамыту. Балаларды үлкен адамдарды сыйлай білуге, оларды қадірлеуге тәрбиелеу.

Көрнекілігі: Ұлы Отан соғысы туралы кітаптар, батырлар суреттері.

Ән: Ән ұран.

Тәрбиеші: - Балалар осында біздің өнерлерімізді көреміз деп апайларымыз келіп отыр екен апайларымызбен амандасып алайықшы Балалар бүгінгі біздің сабағымыз Ұлы Жеңіс күніне арналып отыр. Отанымыз жаулардан азат етілген күн. Бұл Жеңіс бізге оңай келген жоқ. Соғыста біздің Қазақстан Республикасы да жан аямай шайқасты. Даңқты қарулы күштердің және еңбек армиясының құрамында млн қазақстандықтар болған. Ат ауыздығымен су ішкен, ер етегімен су кешкен сұрапыл соғыста ерлермен бірге қолдарына қару алып, Отанын қорғауға біздің батыр апаларымыз Әлия Молдағұлова мен Мәншүк Мамбетова ерлік көрсетіп, батырлықпен қаза тапты. Бауыржан Момышұлы екінші дүниежүзілік соғыстың даңқты жауынгері, халық қаһарманы қазақтың көрнекі жазушысы. - Міне балалар бүгінгі осы Ұлы Жеңіс жолында, Отан үшін жан беріп ерлік көрсеткен апаларымызға арнап тақпақтар айтып берейікші балалар.

С.Айым

Мәншүк апай батыр қыз

Ардақтаймыз атын біз

Ұқсап Мәншүк апайға

Өсіп келе жатырмыз.

Т.Айзере

Әлия орыс қаласын

Азат етіп болды мерт

Ол жеңісті көрген жоқ

Келді кейін азат күн

Бірақ мәңгі өлген жоқ

Батыр қызы қазақтың.

Жарайсындар балалар!

Арылтып жаудан жерінді,

Табанға жаншып өлімді.

Жеңіспен желпіп өмірді,

Оралды ерлер көңілді,

Десеңдер бұл қай күні.

Тоғызыншы мамыр күні!

Жеңіс күніне арналған тақпақтарға кезек берейік.

Т.Айым

Жеңіс, жеңіс естіледі жалынды,

Жеңіс, жеңіс қоңыраулар қағылды.

Күн парактар қып - қызыл боп ашылды.

Жеңіс келген тоғызыншы мамырды.

Аниса.

Ағайлардан, апайлардан, інімнен,

Жеңіс сөзін көп естідім мен бүгін.

Сәл күбірлеп жеңіс, жеңіс деп едім,

Жазылғандай әжем белі бүгілген.

Айару.

Жадыраңқы бүгін қабақ ашылған,
Жаса жеңіс мұң қайғыны қашырған.
Мен жеңістің көріп тұрмын алауын,
Жаңарладан алтын шуақ шашылған.

Керемет балалар, біздің балалардың Жеңіс күніне арналған, аға апаларына арналған
тақпақтары көп екен.

Жарайсындар балалар!

Кезекті жеңіс туралы әнімізге кезек берейік.

Ән: Жеңіс күні

Жарайсындар балалар!

Балаларымыздың биіне кезек берейік.

Би: Сарбаздар

Ойын: «Хат тасу»

Ойын шарты: Солдаттар қыздарға хат тасыйды, хаттың үстін басып жүреміз.

- Балалар Отан - туған жер туралы тақпақтарға кезек берейік.

Бакдаулет:

Отан үшін жанымызды береміз,
Отан үшін барлығына көнеміз.
Отаның да, ананың да алдында,
Осы өмірде парызды өтеп кетеміз.

М.Айзере.

Сарқылмайтын қуатым,
Тірегімсің сен Отан.
Мәңгі соғып тұратын,
Жүрегімсің сен Отан.

Ержан:

Туған жерде толамыз,
Ертең жігіт боламыз.
Отан ортақ үйіміз,
Көңілді ән мен күйіміз.

Раяна

Отан - сенің, ата - анаң,
Отан - досың бауырың
Отан - өлкең, астанаң,
Отан - аудан, ауылың.

Перизат.

Бақытты боп жүргенім,
Сенің арқан, Ұлы Отан.
Елім менің - тірегім,
Құшағынды гүл атам.

Ерсұлтан.

Асыр салған таласып,
Біз туған ел - баласы.
Қандай байтақ - Отаным,
Жан - жағына қарашы.

Тәрбиеші:- Иә сұралып соғыс ешкімді аямады. Ана жарынан айырылды, бала әкесінен

айырылды. Бірақ үміт оты еш өшкен жоқ.

Отан туралы әнімізге кезек берейік.

Ән: «Отанның жас өркені!»

Қыздарымыздың биіне кезек берейік.

Би: Катюша

Ойын: «Танка құрастыру»

Ойын шарты: Танка суреттерінің бөліктерін құрастырамыз.

Тәрбиеші: Ұлы Отан соғысына қатысқан батырларымыз: Бауыржан Момышұлы, Мәншүк Мәмбетова, Әлия Молдағұлова, Мәлік Ғабдуллин, Талғат Бигелдинов.

Ел алдындағы борыштарын өтеп, еліміздің амандығын, жеріміздің тұтастығын, қорғап қалған ерлерге тағзым етеміз. Олар еліміздің жарқын болашағын, жас ұрпақ өмірін, халықтың бақыты мен қуанышын сақтап қалды. Ардагерлер ерліктері арқасында біз осы күнге жеттік. Біздің өз қалауымызбен еркін өмір сүріп, шаттана күлгеніміз бәрі де сол Ұлы Отан соғысы жеңісінің жемісі. Әрине соғыс болмасын!

Біздер соғысқа қатысып батыр болмайық. Біз бейбіт күннің батырлары болуға тырысайық. Ел үшін аянбай еңбек етіп, білім, өз жеріміздің, патриоттары болайық.

Тәрбиеші: Балалар, біздің шекараны кім қорғайды?

Балалар: Солдаттар.

Шекарада солдат тұр,

Ел бақытын қорғап тұр.

Көңілденсін ағалар,

Амандық хат жолдап тұр.

Ән: Бұл шақта.

Тәрбиеші: Осымен «9-мамыр – Жеңіс күні!» атты тақырыптық іс-әрекет аяқталды.

Тақырыптық іс-шара
Тақырыбы: «9-мамыр – Жеңіс күні»
№3 ересек тобының тәрбиешісі Ү.Әбішаева

